



NORMATIVA 2016/2017

ETAPA DE COORDINADOR SCOUT

(Insignia de Madeira)

Director de Tempo Libre

CONDICIÓN S PREVIAS

- 1- Ter a Etapa de Educador Scout superada
- 2- FORMACIÓN ACADÉMICA
-Posuír un título de ensino secundario
- 3- Ter experiencia de ao menos de 250 horas en equipos de animación ou de 30 días de campamento despois da obtención do título de Monitor de Tempo Libre, o que será debidamente acreditado.



FASE TEÓRICA 150 horas **(Esta fase terá que ser cursada nunha soa convocatoria)**

Módulo de SISTEMA DE PROGRAMAS	20 h
Módulo de DIRECCIÓN E ANIMACIÓN DE GRUPOS	20 h
Módulo de COMUNICACIÓN E DIRECCIÓN DE CAMPAMENTOS	20 h
Módulo de XESTIÓN E LEXISLACIÓN	20 h
Módulo de PARTICIPACIÓN	20 h
Módulo AVANZADO	50 h



FASE PRÁCTICA

Realizárase despois de completar a fase teórica e consistirá en:

- ⇒ 3 meses de traballo continuado como coordinador/director en prácticas nunha Asociación (no noso caso como Coordinador de Grupo ou de Sección nun Grupo Scout);
- ⇒ ou participar como director en prácticas nun campamento autorizado pola Xunta de Galicia, dunha duración mínima de 12 días.

En calquera das dúas opcións haberá que ter unha participación activa, non só durante o desenvolvemento da actividade senón tamén na súa preparación e avaliación.

A fase práctica deberá realizarse nun prazo máximo de 18 meses dende o remate oficial da fase teórica. Dentro deste período de tempo tamén haberá que entregar a Memoria de Prácticas detallada a continuación.

Esta fase será certificada polo Director do campamento ou polo Coordinador do Grupo segundo se realizen as prácticas.



MEMORIA DE PRÁCTICAS

- Para obter o título de Director de Actividades de Tempo Libre é preciso realizar unha memoria das prácticas realizadas que será apoiada por un titor de Formación. A memoria de prácticas relatará o proceso levado a cabo, sempre desde o punto de vista de dirección de actividade, desde a planificación e preparación ata a realización e avaliación.



CRITERIOS DE AVALIACIÓN

Para superar esta etapa de Formación Específica os alumnos deberán:

- ✓ Cumprir cos requisitos administrativos fixados pola ESIM.
- ✓ Superar con éxito a avaliación de todos e cada un dos módulos formativos.
- ✓ Non faltar a máis do 20 % das horas totais do curso e ter aptos os traballos concertados no caso de faltas (ver seguinte apartado)
- ✓ Participar activa e positivamente, demostrando unha clara disposición á autoformación e amosando un sincero interese polos contidos do curso.
- ✓ Aplicar as técnicas e contidos aprendidas no curso, reflectíndoas na memoria de prácticas.
- ✓ Cumprir as normas básicas de convivencia.

O Claustro de Profesores reunirse periodicamente para realizar o seguimento de cada alumno cos titores de formación asignados.

FALTAS E AUSENCIAS

Será condición indispensable para que un alumno poda ser avaliado na fase teórica que as faltas ou ausencias non superen o 20% do total de horas, é dicir, 30 horas. En cada módulo, o director anotará as faltas de cada alumno, rexistrando o tempo de ausencia, o que lle será notificado para o seu coñecemento. No momento que as faltas superen as 30 horas, polo motivo que sexa, o alumno xa non poderá ser avaliado nesta convocatoria. No caso particular do Módulo Avanzado, non se poderán producir faltas agás o acordado coa Escola que imparte dito módulo.

Cando se produce unha falta, o alumno terá que realizar un traballo equivalente polas sesións ou módulos aos que se ausentou. Este traballo será asignado polo director do módulo e o seguimento será efectuado polo seu titor.

O traballo deberá ser entregado durante a fase teórica. Será indispensable contar co apto destes traballos na fase teórica para ser avaliado e poder empezar coa fase práctica. En caso de ausencias no último módulo, o prazo máximo para ter entregado e aprobado o traballo correspondente será de 30 días.

NOTA: Os momentos comúns dos módulos coma o acto comunitario, recollida ou avaliación tamén computan horas e son susceptibles de ter que facer o traballo pertinente.



TRAMITACIÓNS

Para proceder á tramitación do Título de Director de Actividades de Tempo Libre o alumno deberá:

1. Ter completa a fase teórica.
2. Remitir á Escola Scout Insignia de Madeira a seguinte documentación:
 - Certificado de Prácticas emitido polo Director de campamento ou o Coordinador do Grupo (segundo as prácticas)
 - Memoria de prácticas
 - Solicitud do Título de Director de Tempo Libre

Para finalizar a Etapa de Coordinador Scout o alumno deberá, ademais, remitir a solicitude da finalización da Etapa de Formación.

En caso de posuír o título de director de tempo libre por outra escola de tempo libre que non sexa a ESIM e ter superada a etapa de Educador Scout, para completar a Etapa de Coordinador Scout será necesario:

- Ter cursado o Módulo Avanzado, no que se atopa o traballo a maiores que nel se inclúa por parte do claustro en función do programa do módulo.
- Remitir á Escola Scout Insignia de Madeira:
 -  Unha fotocopia do Título de Director de Tempo Libre
 -  Solicitud da finalización da Etapa de Formación

INSCRICIÓN, DOCUMENTACIÓN E N° DE PRAZAS

O prazo de inscrición no Curso de Monitor de Tempo Libre ou en calquera dos seus módulos é **ÚNICO**. Está aberto do ata o **5 de outubro** .

As inscricións enviaranse á dirección de correo electrónico seguinte:

esim@scoutsdegalicia.org

A documentación precisa para a inscrición no **CURSO DE DIRECTOR DE TEMPO LIBRE** é:

- Fotocopia do DNI
- Fotocopia do Título de Ensino Secundario
- Certificado que acredite as horas de traballo requiridas na Normativa como Monitor de Tempo Libre
- 1 foto actualizada de tamaño carné.
- Follas de inscrición cubertas.
- Xustificante de pago do 50% do total da matrícula. (excluindo o módulo AVANZADO)

NOTAS IMPORTANTES:

- Todo este material mandarase escaneado vía correo electrónico xunto co formulario de inscrición cuberto.
- O restante 50% do pago matrícula realizarase nos cursos. En cada un se abonará o 50% do custe do módulo.
- O número de alumnos admitidos nos cursos serán un máximo de 25 en cada curso. A admisión farase por orden de inscrición ata cubrir as 25 prazas.